



Bordi i Drejtorëve të Agjencisë Kosovare të Privatizimit (AKP),

Në mbështetje të nenit 15.2.1 të Ligjit të AKP-së,

Në mbështetje të nenit 18.1.12 të Shtojcës së Ligjit të AKP-së,

Miraton:

**RREGULLORE NR.03/2024 PËR ANGAZHIMIN E OFRUESVE TË SHËRBIMEVE NË
PROCESIN E LIKUIDIMIT TË NDËRMARRJEVE SHOQËRORE**

**Neni 1
Qëllimi**

Qëllimi i rregullosës është të përcaktohen hapat të cilët duhet të ndiqen për udhëheqjen e një procedure për angazhimin e Ofruesve të Shërbimeve (OSh) në procesin e likuidimit të Ndërmarrjeve Shoqërore (NSh).

**Neni 2
Kategoritë e Ofruesve të Shërbimeve**

1. Neni 18.1.12 parasheh që Autoriteti i Likuidimit (AL) mund të angazhoj/kontraktoj Ofrues të Shërbimeve - OSh për t'i ndihmuar AL-së gjatë zhvillimit të procesit të likuidimit.
2. AL mund të angazhoj Ofrues të Shërbimeve për këto detyra:
 - 2.1. ekspertizë (p.sh. juristë, ekonomistë, ekspertë kadastral apo persona tjerë të kualifikuar) për të ndihmuar AL-në në kryerjen e detyrave të saj që nuk janë përcaktuar si përgjegjësi direkte e kontraktorit si Ofrues i Shërbimeve Profesionale;
 - 2.2. punët administrative në kuadër të NSh-së;
 - 2.3. punët arkivore në kuadër të NSh-së;
 - 2.4. mbrojtja dhe siguria e aseteve të NSh-ve.
3. AL ka mundësi për angazhimin këtyre kategorive të personave:
 - 3.1. Ish-menaxhmenti i NSh-së;
 - 3.2. Ish të punësuarit e NSh-së;

- 3.3. Ekspertë të jashtëm (të referuar në nenin 2.2.1 të kësaj rregulloreje);
- 3.4. Persona tjerë me kualifikime përkatëse që përshtaten me detyrat e dhëna.
4. Gjatë angazhimit të OSh-ve prioritet i jepet kurdo që është e mundur ish-punëtorëve të NSH-së dhe të cilët nuk kanë ndonjë alternativë tjetër të punësimit apo angazhimit.
5. Nëse nuk arrihet të angazhohen ish-punëtorët e NSH-së, atëherë mund të angazhohen persona tjerë të kualifikuar sipas nevojave dhe natyrës së punës që duhet të kryhet.

Neni 3 Procedura e angazhimit të Ofruesit e Shërbimeve

Për OSh-të të cilët angazhohen për detyrat e parapara në nenin 2.2.1 të kësaj rregulloreje do të zbatohet Udhëzimi nr. 17/2023 për Autoritetin e Likuidimit mbi Procedurat e Prokurimit duke shfrytëzuar fondet e likuidimit në mirëbesim

1. procedurat e prokurimit me fondet e NSH-ve në likuidim;
2. Për angazhimin e OSh-ve tjerë sipas kësaj rregulloreje do të përdoret procedura e hapur konkurruese, për të cilën ftesa publike do të bëhet në faqen e internetit të AKP-së:
 - 2.1. Për procedurën konkurruese sipas nenit 3.2 të kësaj rregulloreje do të përdoren formularët në shtojcë të kësaj rregulloreje dhe sipas nevojës do të përdoren përshtatshmërisht edhe formularët tjerë të paraparë në Rregullat për Prokurim të Shërbimeve të Veçanta të Komisionit Rregullativ të Prokurimit Publik apo formularët e Divizioni i Burimeve Njerëzore të AKP-së;
 - 2.2. Ofertat do të dorëzohen në adresë të caktuar në zyret e Agjencisë dhe me afat brenda afatit prej shtatë (7) ditësh pas shpalljes publike për angazhimin e Ofruesve të Shërbimeve;
 - 2.3. Një Komision për vlerësim i përbërë prej tre anëtarëve, njëri prej të cilëve do të jetë Anëtar i AL-së, do të themelohet nga Drejtori Ekzekutiv i AKP-së;
 - 2.4. Komisioni vlerësues vlerëson ofertat sipas kriterëve të njoftuara të zgjedhjes, refuzon refuzohet çdo plotësim/ndryshim të mëvonshëm të ofertave, të rekomandohet ofertën që siguron vlerën më të mirë, rekomandon Drejtorin Ekzekutiv për Ofruesin e Shërbimeve që do të përzgjedhet për të nënshkruar kontratën;
 - 2.5. Procedurën konkurruese e drejton Kryesuesi i AL-së.
 - 2.6. Ofruesit e shërbimeve të cilët janë angazhuar dhe janë përzgjedhur sipas procedurave më lartë, mundën që të transferohen në ndonjë ndërmarrje tjetër në Likuidimi sipas kërkesës dhe vlerësimeve të Autoritetit të Likuidimit për NSH-në respektive, nëse i plotësojnë kushtet profesionale të pozitës në të cilën transferohen.

Neni 4
Kostoja e angazhimit të Ofruesit e Shërbimeve

1. Kostot për OSh-të të cilët angazhohen për detyrat e parapara janë:
 - 1.1. Për detyrat sipas nenit 2.2.2 dhe 2.2.3 të kësaj rregulloreje kostoja është EUR 450 (bruto);
 - 1.2. Për detyrat sipas nenit 2.2.4 të kësaj rregulloreje kostoja është EUR 368.42 (bruto);
 - 1.3. Në shumat e mësipërme përfshihen edhe pagesa për kontributet pensionale (5%) nga punëdhënësi dhe (5%) nga punëmarrësi dhe tatimit në burim sipas legjislacionit në fuqi.
 - 1.4. Për detyrat sipas nenit 2.2.1 të kësaj rregulloreje zbatohet kostoja sipas procedurës së prokurimit me Udhëzuesin nr. 17/2023 për Autoritetin e Likuidimit mbi Procedurat e Prokurimit duke shfrytëzuar fondet e likuidimit në mirëbesim.
 - 1.4.1. Në rastet e angazhimit të individëve si kontraktor/Ofrues i Shërbimeve, atëherë në kosto përfshihen edhe pagesa për kontributet pensionale (5%) nga punëdhënësi dhe (5%) nga punëmarrësi dhe tatimit në burim sipas legjislacionit në fuqi;
 - 1.4.2. Në rastet e angazhimit të kompanive, atëherë zbatohen normat tatimore sipas Ligjit për Administratën Tatimore të Kosovës dhe legjislacionit tjetër tatimor në fuqi.
 - 1.5. Për detyrat e punës në ndërmarrjet që kanë aktivitet, dhe OSh-të janë të angazhuar në kuadër të ndërmarrjes dhe për funksionimin e ndërmarrjes, zbatohet lista e vecante e shkalles se pagesës, e cila është e bashkangjitur në këtë rregullore si shtojce, dhe të cilat për çfarëdo ndryshimi do të aprovohen në bord paraparakisht.
2. Buxheti për OSh-të do të përdoret vetëm nga fondet e NSh-së në likuidim;
3. Në rast se nuk ka fonde të mjaftueshme nga llogaritë e likuidimit të Ndërmarrjes Shoqërore përkatëse për të mbuluar kostot e mbrojtjes dhe sigurimit të pronës, atëherë kostot e OSh-ve do të mbulohen nga tarifa administrative e Agjencisë.
4. Përjashtimisht nga nënparagrafi 1.1 dhe 1.2 i paragrafit 1 të nenit 4, Drejtori Ekzekutiv dhe Kryesuesi i Autoritetit të Likuidimit i përcaktojnë me shkrim kostot për OSh-të të cilët angazhohen në Ndërmarrjet Shoqërore në likuidim të cilat kanë aktivitet operativ.

Neni 5
Periudha e angazhimit të Ofruesit e Shërbimeve

1. Periudha e angazhimit të OSh-ve sipas kësaj rregulloreje për NSh-të operative është një (1) vjeçare me mundësi të vazhdimit sipas nevojës së përcaktuar nga Autoriteti i Likuidimit dhe Menaxhmenti i AKP-së.

2. Periudha e angazhimit të OSh-ve sipas kësaj rregulloreje për NSh-të tjera është tre (3) deri në gjashtë (6) muaj. Vazhdimi i angazhimit të OSh-ve për këto NSh lejohet vetëm në rrethana të jashtëzakonshme e të argumentuara me shkrim nga Autoriteti i Likuidimit dhe miratuar nga Drejtori Ekzekutiv i AKP-së.

Neni 6

Dokumentet mbështetëse për angazhimin e Ofruesve të Shërbimeve

1. Dokumentet mbështetëse të inicimit të angazhimit të OSh-ve janë:
 - 1.1. Deklarata e nevojave dhe disponueshmërisë së fondeve për angazhimin e OSh-ve; dhe
 - 1.2. Raporti analitik për angazhimin e OSh-ve.
2. Deklarata e nevojave dhe disponueshmërisë së fondeve për angazhimin e OSh-ve përmban: shpalosjen e gjendjes faktike lidhur me informatat themelore për NSh-së; nevojën e angazhimit; periudhën e angazhimit; koston e angazhimit; detyrat e parapara të OSh-së; historiku rreth angazhimit të OSh-ve në të kaluarën për këtë NSh dhe cilat janë detyrat që ende nuk janë përfunduar; informata tjera jo-financiare dhe analiza tjera të cilat dëshmojnë nevojën e angazhimit të OSh-ve;
3. Raporti analitik për angazhimin e OSh-ve përmban: analizat financiare; buxhetin e aprovuar nga Bordi kundrejt shpenzimeve të krijuara deri në periudhën paraprake; likuiditeti bankar – nëse NSh-ja është duke gjeneruar të hyra të cilat mund të mbulojnë këto aktivitete. Rastet kur NSh-të nuk janë duke gjeneruar të hyra, por pritet që në të ardhmen të shiten asetet, atëherë të ofrohet një analizë rreth vlerës së përafërt të aseteve.

Neni 7

Kontrata për angazhimin e Ofruesit të Shërbimeve

1. Kryesuesi i Autoritetit të Likuidimit do të nënshkruaj kontratat standarde për OSh-të të cilat janë përgatitur për këtë qëllim;
2. Kontrata e OSh-së përfshin: përshkrimin e detyrave të punës të cilat duhet të jenë në përputhje me deklaratën e nevojave dhe disponueshmërisë së fondeve, koston e kontratës, periudhën, ligjin e zbatueshëm.
3. Kontratat e Ofruesve të Shërbimeve nënshkruhen nga Kryesuesi i AL-së së NSh-së përkatëse në likuidim.

Neni 8

Raportimi për detyrat e Ofruesit të Shërbimeve

1. Gjatë kryerjes së detyrave të tij, secilit OSh do t'i kërkohet që të raportoj për kohën e vet të kaluar dhe të specifikoj detyrat e punën që e ka kryer;

2. Zyrtari i Rastit është përgjegjës që të monitoroj në vazhdimësi kryerjen e këtyre punëve duke u siguruar se ato kryhen brenda afatit dhe me cilësi të kërkuar;
3. Zyrtari i Rastit dhe Kryesuesi i AL-së verifikojnë kohën e harxhuar për kryerjen e këtyre punëve/detyrave në formularin “dëshmia e prezencës në punë” (ang. “time sheet”).

Neni 9 **Pagesa e Ofruesve të Shërbimeve**

1. Në mënyrë që të kryhet pagesa për ofruesit e shërbimeve, Kryesuesi i Autoriteti i Likuidimit dhe Zyrtari i Rastit i AL-së do të paraqesin Kërkesën–Memorandumin për pagesë drejtuar Departamentit të Financave edhe Buxhetit të AKP-së;
2. Kërkesa-memoradumi për pagesë duhet të përfshijë:
 - 2.1. periudhën, vlerën e pagesës, emrat e OSh-ve, numrin e OSh-ve dhe të sqaroj çdo ndryshim që ka ndodhur në listën e OSh-ve; formularin e pagesës; dëshmia e prezencës në punë (ang. “time sheet”) me detyrat e kryera sipas ditëve; kërkesë-fatura dhe kopjen e kontratës për Ofruesit e Shërbimeve”;
 - 2.2. kopja e deklaratës së nevojave dhe disponueshmërisë së fondeve (e miratuar para angazhimit të OSh-ve) dhe raportit analitik (e miratuar para angazhimit të OSh-ve).

Neni 10 **Angazhimi i OSh-ve në ndërmarrjet nën administrim direkt të Agjencisë**

1. Për personat e NSh-ve nën administrim direkt që kanë marrëdhënie aktuale të punës me NSh-në do të zbatohen dispozitat e Rregullores nr. 09/2023 për punën e administrimit direkt të miratuar nga Bordi i Drejtorëve;
2. Për OSh-të tjerë që kërkohet të angazhohen për NSh-të nën administrim direkt do të zbatohet kjo rregullore përshtatshëm.

Neni 11 **Ligji i zbatueshëm për kontratat e OSh-ve**


Kontratat për Ofruesit e Shërbimeve për NSh-të në likuidim interpretohen sipas Ligjit nr. 04/L-077 për marrëdhëniet e detyrimeve dhe Ligjit të AKP-së dhe Shtojcës së Ligjit të AKP-së.

Neni 12 **Hyrja në fuqi**

1. Me hyrjen në fuqi të kësaj rregulloreje shfuqizohet rregullorja 09/2023.
2. Kjo rregullore hyn në fuqi më 30 shtator 2024.

Prishtinë, më 30 shtator 2024.

Mentor Hyseni



**Kryesues i Bordit të Drejtorëve
Agjencia Kosovare e Privatizimit**

Shtojca 1: Deklarata e nevojës dhe disponueshmërisë së fondeve për OSh-të; dhe
Shtojca 2: Raporti analitik për angazhimin e OSh-ve.